

(առևտուրից)»: Վարանդայում փեսացուի պատգամները, երբ գնում են հարսնացուի ծնոդների մօտ աղջկայ ձեռքը խնդրելու՝ միշտ ասում են. «Աստուած տայ անփոշմենլի սովտա (առևտուր) ինի»:

Ըստ Բենսէի վկայութեան՝ ամուսնութիւնը Բուլանրիում կատարւում է գրեթէ գնմամբ. հարսնախօսութեան ժամանակ սակարկում են, թէ որքան պէտք է վճարի փեսան աղջկայ համար, և այդ գումարը կոչւում է խալանի. սորա առաջին մասը վճարւում է աղջկայ տիրոջը նշանատէքին, իսկ երկրորդը՝ պսակից 1—2 շաբաթ առաջ<sup>1)</sup>:

Նոյն երևոյթը մենք պատահում ենք Ղարաբաղում: «Գնմամբ ամուսնութիւնը դեռ ևս գոյութիւն ունի նաև Վարանդայում, որ երևում է հղէ կտրել ծխի մէջ: Այստեղ աղջկայ և տղի հայրերն ու բարեկամները երկար սակարկելուց յետոյ որոշում են, թէ տղի հայրը որքան փող պիտի տայ աղջկայ հօրը՝ աղջիկը տանելու համար: Այս գումարը տատանւում է 20—100 ըուբլու միջև: Եւ մինչև որ այդ փողը չյանձնուի աղջկայ հօրը, որ սովորաբար այդ օրն է տեղի ունենում, պսակը չի կարող տեղի ունենալ»<sup>2)</sup>:

Գնման գործողութիւնը մի տեսակ դաշինք է, որ կապում են երկու շահագրգռուած կողմերը. իսկ ամեն մի դաշինք կապելուն նախապէս հետևում է սկզբնական համաձայնութիւնը, որ կայանում է որևէ առհաւատչեայի մէջ: Վերջինս գտնում է մի գրաւական դաշինքի անխախտելի իրականացման համար: Ահա այս տեսակ բնորոշ գիծ, որ յատուկ է առևտրական և ընդհանրապէս դաշինքների գործողութիւններին, գտնում ենք և հարսի գնման սովորութեան մէջ: Վարանդայում երկար «հա ու չէ» տեսլուց յետոյ, երբ վերջապէս աղջկայ ծնոդները յայտնում են իրենց համաձայնութիւնը, ամուսնացող երիտասարդը իւր եղբօր կնոջ հետ, առնելով մի հասարակ 20—60 կոպեկանոց մա-

<sup>1)</sup> Ազգագրական Հանդէս—Բուլանրի, 1899. գիրք 6.

<sup>2)</sup> Եր. Լալայեան՝ Վարանդա, Եր. 118.